

(海陸腔) 編號 01 號

【阿姆个鹹糜】 黃旭霞原作

起屋个師傅摶做小工个叔姆在禾埕肚無閒直掣。師傅交代叔姆愛摶磚仔淋濕來，起屋時正好用，阿姆看叔姆無閒在該攪沙仔，走去拿水管來淋磚仔，僇就跔等阿姆在脣頭搞水。

阿爸在外地上班無法度長透轉屋下，屋下大細事情全部係阿姆一肩揸起做到兩頭烏，僇兜毋知頭天个三姊妹，想著會有新屋好戴，有自家个間肚好歇，心肝肚時時園等歡喜个心情。成時阿姆喊搬磚仔、疊磚仔、攞水、攞茶……，僇摶兩個阿哥一定會煞煞來搵手。

下晝兩點零，阿姆在灶下無閒，耳空聽著阿姆拿菜刀切豬肉、香菇、芹菜……洗鑊嫲、開瓦斯……，哇！阿姆愛開始煮點心咧！僇恬恬仔于去灶下看阿姆煮點心。阿姆在豬油鉢挖兜豬油放落鑊肚，續等就放浸過水个蝦米摶香菇來菽香，炒出香味以後就放落切好个竹筍過炒加下，正放洗淨个米共下炒，浸過蝦米摶香菇个水也做毋得打爽，滷滴豆油後過倒兜滾水落去就開始煮糜咧！差毋多半點零鐘糜就煮好，毋過糜燒焗焗仔，阿姆又摶歸鑊个糜沾到大面盆裡肚，分糜較遽冷。

「阿霞！搵手拿碗摶箸放在禾埕个矮桌頂。」

排好碗箸，阿姆就喊僇兜三姊妹落去脣頭个矮屋肚搞。阿姆講：「師傅食點心細人仔毋好坐在脣頭看人食，恁樣無禮貌。」走落屋肚，僇拿細凳頭來墊腳，對細窗門偷看師傅佢兜食點心，老師傅添第三碗，做小工个叔姆也添第二碗，僇心肝肚當急，肚屎咕嚕咕嚕个聲也毋會輸人。阿姆煮該恁大鑊个鹹糜就會無咧！僇个嘴毋知幾時翹到半天高。

僇遽遽走去灶下，該量時阿姆去收該伸無兩碗个鹹糜，阿姆喊僇去搵手收碗箸，僇毋甘願慢慢仔行、慢慢仔做，碗箸放到灶下就愛走咧！阿姆講：「去拿碗來張。」原來阿姆煮好鹹糜，早就有留兜分三個細人仔食。

僇遽遽拿碗去張糜，這下就顧毋得該下發關个面子咧！鼻空摶嘴愛開始無閒哩啲！

一碗好食个鹹糜，有香菇、蝦米、竹筍、瘦肉、芹菜，最重要个係有阿姆惜子女个心。細細僇食毋出來，這下自家做阿姆咧，正感受著這一碗鹹糜个好味道！

(海陸腔) 編號 02 號

【賣菜】 謝惠如原作

記得讀三年生該下，屋下人多，食用乜多，阿姆除了田事，還愛打理一屋人个三餐，所以利用屋側角該埕空地來種菜，種啊種仔，菜嘅多到食毋去，將就載去街路賣。

冬禾割忒後个一隻祭日，阿姆愛偈跔佢去搵賣菜，到市場个路脣，阿姆停好自行車，摺後斗疊到尖起來个角菜，下十過抓¹來喊偈在該掌等賣，橫直斯無講又黏時載去街路等賣咧，掉偈²一儕在該企等呆呆，毋知愛仰結煞正好。

偈本成就面皮薄，見看著毋識个人會面紅濟炸，毋好講愛喊人來買菜咧，無結無煞个偈，敗勢到頭犁犁，全毋敢臥起來看人，好得隔壁賣番薯个老伯姆看偈恁恬又畏羞，笑笑仔講：「細阿妹仔，毋使驚，你做你大聲喊賣菜，人聽著就會撇轉來看你賣麼个，無定著有佢想愛買个菜，鴨嫲嘴愛罔吮正好食，來！偈喊分你聽：『來唷！來買番薯唷！好食个番薯又粉又甜哦，包你食了還會倒轉來買唷！』」聽著老伯姆个喊賣以後，偈就膽大大試喊：「來唷！來買菜哦！一抓十個銀定定。」正喊啊煞，一個

¹ 下十過抓：音 ha / shib \ go \ za \ ；解下十多把。

² 掉偈：音 tiau / ngai ；丟下我。

阿姨聽著黏時停下來買，還緊講偈恁乖、恁曉得。聽著佢个阿腦，偈暢到緊喊緊大聲，行過偈面前个人，十個有八個大體會頓恬下來摺偈買菜，無幾久就賣忒咧，分偈試著賣菜一息都毋會難。

冬下頭日仔短，臨暗仔放學轉到屋下，鞋一脫、衫一換，黏時斯走去菜園摺阿姆搵摘菜。暗晡頭食飽夜後，摺阿哥兩儕開始擇菜、秤菜，偈兜負責个事，除了愛摺一頭一頭有黃葉摺燥葉个蓋³擘忒以外，還愛摺有泥个菜蓋搵搵仔，整理好勢咧，一抓一抓秤分佢平重正綳起來。阿姆長下交代偈兜：「有東西好賣，斤兩定著愛罇，雖然正十個銀、八角又乜係錢，秤頭就係路頭，毋好去批人。還有賣食个東西，自家愛敢食正好拿去賣人。」這兜話偈全部記在心。

賣菜雖然係一種細生理賺無麼个錢，也無麼个大學問，毋過對這擇菜、賣菜个過程裡肚，分偈學著當多做人做事个道理。

³ 蓋：音 hab ；老菜葉、外葉。